

AUGLÝSING**um umferð í Reykjavík.**

Samkvæmt heimild í 2. mgr. 65. gr. umferðarlaga, nr. 26 1958, og að fengnum tillögum borgarstjórnar Reykjavíkur, hefur eftirfarandi verið ákveðið:

1. Bifreiðastöður verði bannaðar á Frakkastíg frá Hverfisgötu að Skúlagötu, vestan megin götunnar.
2. Bifreiðastöður verði bannaðar í Miðstræti, vestan megin götunnar.
3. Felldur verði niður einstefnuakstur í Hátúni.

Þetta tilkynnist öllum, sem hlut eiga að máli.

Lögreglustjórinn í Reykjavík, 6. marz 1965.

Sigurjón Sigurðsson.

Nr. 48.

5. febrúar 1965.

AUGLÝSING**um breytingar nr. 5 á Lyfjaverðskrá frá 1. marz 1963.**

Frá og með 25. febrúar 1965 ganga í gildi breytingar, útgefnar í dag, á Lyfjaverðskrá I frá 1. marz 1963.

Í dóms- og kirkjumálaráðuneytinu, 5. febrúar 1965.

F. h. r.

Baldur Möller.

Jón Thors.

Nr. 49.

10. marz 1965.

REGLUR**um starfsemi Íslenzkrar málnefndar.**

Með bréfi, dags. 30. júlí 1964, hefur menntamálaráðuneytið stofnað nefnd, sem vinna á að íslenzku málverndarstarfi. Þessari nefnd, sem skal bera nafnið **Íslenzk málnefnd**, eru settar eftirfarandi reglur:

1. gr.

Íslenzk málnefnd er ráðgjafarstofnun. Henni ber að veita opinberum stofnunum og almennungi leiðbeiningar um málleg efni á fræðilegum grundvelli.

Af sérstökum verkefnum, sem henni ber að sinna, skulu þessi talin:

1. Nefndin skal annast söfnun nýyrða og útgáfu þeirra og jafnframt vera til aðstoðar við val nýyrða og við nýyrðamíði. Auk þess skal hún leitast við að fylgjast með því, hver nýyrði ná festu í málinu.
2. Nefndin skal hafa samvinnu við nýyrðanefndir, sem einstök félög eða stofnanir hafa sett á fót, og vera þeim til aðstoðar.

3. Nefndin skal svara fyrirspurnum, sem henni berast frá stofnunum eða einstaklingum, og leitast við að hafa góða samvinnu við aðilja, sem mikil áhrif hafa á málfar almenningis, svo sem blöð, útvarp og skóla. Allar fyrirspurnir og svör skulu geymd í plöggum nefndarinnar.
4. Nefndin skal hafa samstarf við norrænu málefndirnar og senda fulltrúa á hin árlegu þing þeirra, ef við verður komið.

Auk þess getur ráðuneytið falið málnefndinni önnur verkefni, sem varða íslenskt mál, svo sem stafsetningarmál, ráðgjafarstarf um útgáfu handbóka og kennslubóka o. s. frv.

2. gr.

Í Íslenskri málnefnd skulu eiga sæti 3 aðalmenn og 1 varamaður, skipaðir af menntamálaráðherra. Skulu 2 aðalmenn vera prófessorar í íslenskum fræðum við Háskóla Íslands. A. m. k. einn aðalmanna skal hafa lokið háskólaprófi í íslenskri málfræði sem sérgrein. Skipunartími nefndarinnar er 4 ár. Nefndin kys sér formann.

3. gr.

Menntamálaráðherra ákveður þóknun til nefndarmanna, svo og til sérfræðinga, sem nefndin leitar til. Formaður annast fjárreiður nefndarinnar og gefur ráðuneytinu árlega skýrslu um þær. Hann ræður aðstoðarmann í samráði við nefndina og semur um þóknun til hans í samráði við menntamálaráðuneytið.

Menntamálaráðuneytið, 10. marz 1965.

Gylfi Þ. Gíslason.

Birgir Thorlacius.

Staðfesting forsetans á skipulagsskrá fyrir Áhaldasjóð Barnaspítala Hringsins, útgefin á venjulegan hátt að mandatum af dómsmálaráðherra 11. marz 1965. Skipulagsskráin er þannig:

SKIPULAGSSKRÁ

fyrir Áhaldasjóð Barnaspítala Hringsins.

1. gr.

Sjóðurinn heitir Áhaldasjóður Barnaspítala Hringsins.

2. gr.

Stofnfé sjóðsins eru kr. 99 991.00, sem félagsskapur hér í bæ hefur aflað og gefið til stofnunar sjóðs þessa. Tekjur hans verða frjáls framlög félaga og einstaklinga, minningargjafir, dánargjafir o. s. frv. Vextir af höfuðstól, eins og hann er á hverjum tíma og afborganir af lánum.

3. gr.

Tilgangur sjóðsins er að veita styrk og lán til áhaldakaupa fyrir Barnaspítala Hringsins, svo sem lækningatæki, rannsóknartæki og hjúkrunargögn, en ekki má nota fé sjóðsins til kaupa á venjulegum rekstrarvörum.